

Broj: 01-01.3-4042-7/17 MA
Datum: 27.10.2017.godine

Na osnovu člana 70. stav (3) Zakona o javnim nabavkama ("Službeni glasnik BiH", broj 39/14), člana 15. Pravilnika o javnim nabavkama JP „Autoceste FBiH“ d.o.o. Mostar, broj: NO-1.01-724-11/15 od 24.02.2015. godine, i preporuke Komisije za javne nabavke konstatovane u Zapisniku o pregledu i ocjeni ponuda, broj: 01-01.3-4042-6/17 MA od 24.10.2017. godine, direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi slijedeću:

ODLUKU o izboru najpovoljnijeg ponuđača

I

Ugovor za nabavku roba „Nabavka privremene prometne signalizacije i opreme“ u vrijednosti od 58.498,83 KM sa uračunatim PDV-om dodjeljuje se ponuđaču „Buljan ceste“ d.o.o. Kreševo koji je podnio prihvatljivu ponudu sa najnižom cijenom.

II

Ugovor se zaključuje nakon provedenog otvorenog postupka za koji je dana 28.09.2017. godine objavljeno Obavještenje o nabavci, broj: 266-1-1-344-3-114/17 na Portalu javnih nabavki. U provedenom postupku zaprimljena je jedna ponuda, a ista ispunjava sve uslove i zahtjeve propisane tenderskom dokumentacijom.

III

U skladu sa članom 70. stav (6) Zakona o javnim nabavkama (u daljem tekstu: Zakon), JP „Autoceste FBiH“ d.o.o. Mostar će ovu Odluku objaviti na svojoj internet stranici: www.jpautoceste.ba i to istovremeno s upućivanjem Odluke ponuđačima koji su učestvovali u postupku nabavke.

O b r a z l o ž e n j e

Javno preduzeće „Autoceste Federacije Bosne i Hercegovine“ društvo sa ograničenom odgovornošću Mostar je u skladu sa čl. 14. stav (4), 18. stav (1), i 19. stav (1) Zakona pokrenulo otvoreni postupak, broj: 01-01.3-4042/17 MA za nabavku roba: "Nabavka privremene prometne signalizacije i opreme". Na Portalu javnih nabavki objavljeno je Obavještenje o nabavci, broj: 266-1-1-344-3-114/17 dana 28.09.2017. godine. Kriterij za dodjelu ugovora je „najniža cijena“.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 19.10.2017. godine u 10:30 sati u prostorijama JP „Autoceste Federacije Bosne i Hercegovine“ d.o.o. Mostar, Operativni ured Sarajevo, Dubrovačka 6, Sarajevo, što je konstatovano u Zapisniku o otvaranju ponuda, u skladu sa Zakonom. Komisija je na javnom



otvaranju ponuda konstatovala da je blagovremeno ponudu predao 1 (jedan) ponuđač. Ponuda drugog ponuđača koja je zaprimljena nakon isteka krajnjeg roka za predaju ponuda, vraćena je neotvorena ponuđaču, u skladu sa članom 63. stav (1) Zakona.

Komisija je prema članu 65. Zakona pristupila pregledu i ocjeni ponude, što je evidentirano u Zapisniku o pregledu i ocjeni ponuda, koji je sastavni dio ove Odluke.

Shodno preporuci Komisije za javne nabavke u Zapisniku o pregledu i ocjeni ponuda, broj: 01-01.3-4042-6/17 MA od 24.10.2017. godine, ugovor za nabavku roba „Nabavka privremene prometne signalizacije i opreme“ u vrijednosti od 58.498,83 KM sa uračunatim PDV-om dodjeljuje se ponuđaču „Buljan ceste“ d.o.o. Kreševo koji je jedini blagovremeno podnio ponudu, a ponuda je prihvatljiva, odnosno, ispunjava sve uslove i zahtjeve iz tenderske dokumentacije.

Shodno naprijed navedenom, Ugovorni organ je prihvatio preporuku Komisije i donio Odluku kao u dispozitivu.

Pouka o pravnom lijeku:

Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa, u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda

**izvršni direktor
za upravljanje i održavanje:**

.....
Marin Jelčić, dip.ing.saob.

direktor:

.....
Adnan Terzić, dipl.ing.



Dostaviti:

- „Buljan ceste“ d.o.o. Kreševo,
- a/a.



Broj: 01-01.3-4042-6/17 MA
Datum: 24.10.2017. godine

U skladu sa članom 65. Zakona o javnim nabavkama („Službeni glasnik BiH“, broj 39/14), te članom 18. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15) i članom 14. Pravilnika o javnim nabavkama JP „Autoceste FBiH“ d.o.o. Mostar, broj: NO 1.01-724-11/15 od 24.02.2017. godine, Komisija za nabavke imenovana rješenjem, broj: 01-01.3-4042-3/17 MA od 05.10.2017. godine, sačinjava:

ZAPISNIK O PREGLEDU I OCJENI PONUDA

u otvorenom postupku javne nabavke

- Naziv i sjedište ugovornog organa:** JP „Autoceste FBiH“ d.o.o. Mostar;
- Predmet nabavke:** Nabavka roba: „Nabavka privremene prometne signalizacije i opreme“;
- Evidencijski broj nabavke:** 01-01.3-4042/17 MA;
- Vrsta postupka javne nabavke:** Otvoreni postupak;
- Procijenjena vrijednost nabavke:** 50.000,00 KM;
- Broj obavještenja o nabavci sa Portala javnih nabavki:** Obavještenje o nabavci, broj: 266-1-1-344-3-114/17 objavljeno dana 28.09.2017. godine;
- Datum početka pregleda i ocjene ponuda:** Komisija je počela da pregleda ponude 20.10.2017. godine;
- Naziv i sjedište svih ponuđača, prema redoslijedu zaprimanja ponuda:**
 - „Buljan ceste“ d.o.o. Kreševo, 19.10.2017. godine u 09:22 sati;
- Podaci o pojašnjenju dokumenata u skladu sa članom 68. stav (3) Zakona, ako ih je bilo:**

Nije traženo pojašnjenje dokumenata;
- Podaci o ispravkama, ukoliko su iste uočene u ponudi i koje su urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke:** Nije bilo ispravki.



11. Analitički prikaz traženih i dostavljenih dokumenata na osnovu koji se utvrđuje postoje li razlozi isključenja ponuđača:

	ANALIZA, PREGLED I OCJENA PONUDA	NAZIV PONUĐAČA
R. B.	„Nabavka privremene prometne signalizacije i opreme“	„Buljan ceste“ d.o.o. Kreševo
a.	Kvalifikacioni uslovi:	
1.	<p>Lična sposobnost - kvalifikacija prema članu 45. ZJN:</p> <p>USLOVI: U skladu sa članom 45. Zakona, ponuda će biti odbijena ako je ponuđač:</p> <p>a) u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan;</p> <p>b) pod stečajem ili je predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan;</p> <p>c) nije ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan;</p> <p>d) nije ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan.</p> <p>DOKAZ: U svrhu ispunjavanja uslova iz prethodne tačke ponuđači trebaju dostaviti Izjavu ovjerenu kod nadležnog organa (opštinski organ ili notar) da se na njih ne odnose slučajevi definisani tačkom 7.1.1 od a) do d) tenderske dokumentacije. Izjava se dostavlja u formi utvrđenoj Aneksom 6 tenderske dokumentacije.</p>	+



2.	<p>Sposobnost obavljanja profesionalne djelatnosti:</p> <p>USLOV: U pogledu sposobnosti za obavljanje profesionalne djelatnosti, u skladu sa članom 46. Zakona, ponuđači moraju biti registrovani za obavljanje djelatnosti koja je predmet javne nabavke.</p> <p>DOKAZ: U svrhu dokazivanja profesionalne sposobnosti ponuđači trebaju uz ponudu dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbijede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti originalni ili ovjerene kopije.</p>	
3.	<p>Tehnička i profesionalna sposobnost:</p> <p>USLOV: Što se tiče tehničke i profesionalne sposobnosti, ponuđači trebaju ispuniti slijedeće minimalne uslove, a koji se mogu potvrditi dokazima iz člana 49. Zakona, a to su: a) Uspješno iskustvo u realizaciji najmanje jednog ugovora čiji je karakter i kompleksnost sličan onom koji se odnosi na predmetnu nabavku, u minimalnoj vrijednosti od 30.000,00 KM u posljednje tri godine.</p> <p>DOKAZ: Ocjena tehničke i profesionalne sposobnosti ponuđača će se izvršiti na osnovu jednog ili više dokaza:</p> <p>a) Spisak izvršenih ugovora za isporuku istih ili sličnih roba koje su predmet nabavke u posljednje 3 (tri) godine, ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od 3 (tri) godine. Uz spisak izvršenih ugovora ponuđač je dužan dostaviti potvrdu o uspješnoj realizaciji najmanje jednog ugovora čiji je karakter i kompleksnost sličan onom koji se odnosi na predmetnu nabavku, u minimalnoj vrijednosti od 30.000,00 KM u posljednje 3 (tri) godine koju je izdao primalac roba, a koja obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ,</p>	<p style="text-align: center;">+</p> <p style="text-align: center;">+</p> <p style="text-align: center;">+</p>



	važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbjeđe.	
4.	Izjava o ispunjavanju uslova iz člana 52. Zakona data u Aneksu 7 tenderske dokumentacije	+
b.	Ispunjenost uslova u pogledu dostavljanja svih potrebnih dokumenata prema sadržaju ponude:	
1.	Popunjen Obrazac za ponudu koji je dat u Aneksu 2 tenderske dokumentacije	+
2.	Popunjen Obrazac za cijenu ponude koji je dat u Aneksu 3 tenderske dokumentacije	+
3.	Popunjen obrazac povjerljivih informacija koji je dat u Aneksu 4 tenderske dokumentacije (ponuđači su dužni dostaviti ispunjen ovaj obrazac ukoliko imaju povjerljivih informacija)	-*
4.	Izjava o ispunjenosti uslova iz člana 45. stav (1) tačka od a) do d) Zakona o javnim nabavkama	+
5.	Izjava o zajedničkoj ponudi i Izjava o solidarnoj odgovornosti članova grupe ponuđača	n.p.
6.	Potpisan Nacrt ugovora koji je dat u Aneksu 5 tenderske dokumentacije	+
7.	Izjava o namjeri podugovaranja (ukoliko ponuđač ima namjeru podugovoriti dio ugovora) data u okviru Aneksa 2 tenderske dokumentacije	+**
8.	Dokumenti kojima se dokazuje ispunjavanje uslova za primjenu preferencijalnog tretmana domaćeg odnosno Izjava data u okviru Aneksa 2 tenderske dokumentacije	+***
9.	Popis dokumentacije koja je priložena uz ponudu	+
Prikaz prihvatljivosti ponuda prema obliku sadržaju i potpunosti		
1.	Cjelovitost ponude	+
2.	Uvezana u cjelinu / knjiga, obezbjeđena jemstvenikom /	+
3.	Sadržaj ponude	+
4.	Ponuda napisana neizbrisivom tintom	+
5.	Pravilno numerisana ponuda	+
6.	Ponuda napisana na jednom od službenih jezika u BiH	+
7.	Ispravke u ponudi	-
8.	Računske greške	-
9.	Izmjene/dopune ponude i odustajanje od ponude	-
PRIHVATLJIVOST PONUDE		DA



Napomena: (+) u skladu sa tenderskom dokumentacijom **zadovoljava**; (-) u skladu sa tenderskom dokumentacijom **ne zadovoljava**;

* Ponuđač nije dostavio Obrazac povjerljivih informacija, te se smatara da isti nema povjerljivih informacija.

** Ne postoji namjera podugovaranja.

*** S obzirom da je ponuda ponuđača „Buljan ceste“ d.o.o. Kreševo jedina zaprimljena ponuda, preferencijalni tretman domaćeg, koji se primjenjuje u svrhu poređenja ponuda, se ne može primjeniti.

n.p. Nije primjenjivo

12. **Naziv i sjedište ponuđača čije ponude se odbijaju na osnovu rezultata pregleda i ocjene ponuda, te obrazloženje razloga za njihovo odbijanje:** Nema ponuđača čije ponude se odbacuju;
13. **Prikaz traženih i dostavljenih garancija za ozbiljnost ponude:** Ugovorni organ nije zahtijevao bankarsku garanciju za ozbiljnost ponude;
14. **Podaci o pojašnjenju ponuda:** Nije primjenjivo;
15. **Prikaz prihvatljivosti ponuda prema obliku, sadržaju i potpunosti iz zapisnika sa otvaranja ponuda:** Zaprimljena ponuda uredno zapakovana;
16. **Analitički prikaz traženih i dostavljenih dokaza profesionalne i tehničke sposobnosti ponuđača:** Pogledati stavku 11. ovog Zapisnika;
17. **Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Ponuda ispunjava sve zahtjeve u pogledu opisa predmeta nabavke i tehničkih specifikacija;
18. **Podaci o ispravkama računskih grešaka u ponudama ako ih je bilo:** Nije bilo računskih grešaka;
19. **Naziv i sjedište ponuđača čije ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje:** Nema ponuđača čije se ponude odbijaju;
20. **Razlozi za odbijanje ponude zbog neprirodno niske cijene:** Nije primjenjivo;
21. **Analiza prihvatljivih ponuda prema kriteriju za izbor ponude:**

Budući da je ponuda ponuđača „Buljan ceste“ d.o.o. Kreševo jedina prihvatljiva i ispunjava sve kvalifikacione, kao i ostale uslove propisane tenderskom dokumentacijom, te su dostavljeni svi dokazi propisani tenderskom dokumentacijom, na propisan način, Komisija za javne nabavke daje preporuku da se ugovor za predmetnu nabavku dodijeli navedenom ponuđaču, sa ukupnom ponuđenom cijenom u iznosu od 58.498,83 KM, sa uključenim PDV-om;



22. **Rangiranje prihvatljivih ponuda prema kriteriju za izbor ponude:** Kriterij za dodjelu ugovora je „najniža cijena“.

Naziv ponuđača	Cijena bez PDV-a	Popust	PDV (17%)	Ukupna cijena sa PDV-om
1. „Buljan ceste“ d.o.o. Kreševo	49.999,00 KM	-	8.499,83	58.498,83 KM

23. **Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor:** „Buljan ceste“ d.o.o. Kreševo, iz razloga što je jedini blagovremeno dostavio ponudu, a ponuda je prihvatljiva odnosno ispunjava sve uslove propisane tenderskom dokumentacijom;

24. **Podaci o dijelu ugovora koji se daje u podugovor i podatke o podizvođaču:** Nije primjenjivo;

25. **Podaci o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci:**

- Izabrani ponuđač „Buljan ceste“ d.o.o. Kreševo je dužan, u skladu sa tačkom 7.1.4. tenderske dokumentacije, u roku **od 5 (pet) dana od dana prijema Odluke o izboru najpovoljnijeg ponuđača** dostaviti dokumente kojim dokazuje ispunjavanje uslova lične sposobnosti iz člana 45. Zakona, u originalu ili ovjerenoj kopiji, a za koje je u ponudi dostavio Izjavu o ispunjenosti uslova iz člana 45. stav (1) tač. od a) do d) zakona o javnim nabavkama. Dokumenti ne mogu biti stariji od tri mjeseca računajući od dana dostavljanja ponude.

Napomena: U slučaju da su dokumenti izdati nakon datuma predaje ponude, u njima mora biti jasno navedeno da je ponuđač traženi uslov ispunjavao na dan predaje ponuda. U slučaju da se takvi dokumenti ne mogu obezbijediti iz objektivnih razloga na koje ne utiče ponuđač, ponuđač je obavezan dostaviti dokaze o učinjenim pokušajima da se takve potvrde obezbijede kao i dokumente koje im je nadležni organ izdao na osnovu zahtjeva;

26. **Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:** Komisija daje prijedlog direktoru Javnog preduzeća “Autoceste Federacije Bosne i Hercegovine” društvo sa ograničenom odgovornošću Mostar da donese Odluku o izboru kojom se ugovor za nabavku robe „**Nabavka privremene prometne signalizacije i opreme**“ u ukupnoj vrijednosti od 58.498,83 KM sa uračunatim PDV-om, dodjeljuje ponuđaču „Buljan ceste“ d.o.o. Kreševo, koji je jedini dostavio ponudu, a ponuda je prihvatljiva odnosno ispunjava sve uslove propisane tenderskom dokumentacijom.

27. **Datum završetka postupka pregleda i ocjene ponuda:** Komisija je završila pregled i ocjenu ponuda dana 24.10.2017. godine;



28. Ime i prezime te potpis ovlaštenih predstavnika ugovornog organa koji su izvršili pregled i ocjenu ponuda:

Članovi komisije:

Melika Alajbegović, predsjednik komisije *Alajbegović*

Amra Kahrimanović, član komisije *Kahrimanović*

Muamer Suljević, član komisije *Suljević*

Za sekretara Komisije imenovana je Adila Salčinović.

29. Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili stručne osobe, i sl.): Nema priloga.



Saglasan:

..... *Adnan Terzić*
Adnan Terzić, dipl.ing.



td